

Image not found

<https://letteraturaeuropea.let.uniroma1.it/sites/all/themes/business/logo.png>

Lirica Medievale Romanza

Published on *Lirica Medievale Romanza* (<https://letteraturaeuropea.let.uniroma1.it>)

Home > GACE BRULÉ > EDIZIONE > Chanson de plain et de souspir > Edizioni > Petersen Dyggve

Petersen Dyggve

I.

Chanson de plain et de souspir
et de veillier et de plorer
me couvient faire sans mentir,
que mençonge n'i quier trouver.
Je ne sai mais quel part aler
ne ou manoir ne ou fouir,
puis que la riens que plus desir
ne veut vers moi son cuer tourner.

II.

Bien voi qu'il me couvient mourir,
quant je ne puis merci trouver
la ou cuidoie sans faillir
toute ma joie recouvrer.
Quant qu'il couvient a bien amer
ai mis en li sans repantir;
mais ne puis ma doulour couvrir,
trop la me font Amours moustrer.

III.

Las, quel conseil de moy prendrai,
que je sui touz siens sans retour,
ne autre je ne servirai
fors la plus belle et la meillour
que Dieus ait en tonte s'onnour:
tout est souz lui quanque je voi.
Mais bien parra que je foloi
quant ne puis venir a s'amour.

IV.

N'est merveille se je m'esmay,
que assez ay ire et doulour,
si vient ma joie a grant delay
qu'a paines cuit avoir sejour.
Faus lossengier et tricheour,
vous m'avez mort, pour voir le sai,
quant de celle pour cui morrai
ne serai més amés nul jour.

- letto 636 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/petersen-dyggve-12>